

# Seese-Seese

CP


Tono

5

Deftere

4

AULAY



République du Sénégal



Ministère de l'Education nationale

Vente interdite



# Pulaar

# Seese-seese

Tolno 5 Deftere 4

Édition 2018  
Réimpression 2020



Avis de droit d'auteur : ©2016-2021 projet Sénégal Lecture Pour Tous pour l'Agence des États-Unis pour le développement international (USAID), contrat USAID n° AID-OAA-I-14-00055/AID-685-TO-16-00003, géré par Chemonics International. Tous droits réservés. Cette aide provient du peuple américain et est financée conjointement par l'USAID et le gouvernement du Sénégal.

Ce travail est disponible sous la licence Creative Commons Attribution 4.0 IGO licence (CC BY 4.0 IGO) <http://creativecommons.org/licenses/by/4.0/igo>. Sous cette licence, il est accordé le droit de copier, de distribuer, de diffuser et d'adapter ce travail y compris à des fins commerciales selon les conditions énoncées de la licence CC BY.

# **Loowdi deftere ndee**

Nafoore jaŋde.....	4
Dudal Keftinaangal .....	24
Abdul ko almuudo. ....	44
Cellal ɓanndu cukalel .....	64
Hoto Njenngudi Bojel ? .....	84

# Nafoore jañde



Maama Njamala joodii ina yeewtida  
e besngu mum.

Baaba Njamala, Neene Njamala  
e taaniraabe mum fof ina ngonnoo  
e dental hee.

Misu Ullundu, Robi Rawaandu e hoddiibe  
makko Manij Mbabba-ladde, ko toon  
ngonnoo.

Be njoodii kambe fof ebe njara tufam  
mabbe.

Yeewtere ndee jirwi no feewi.

Maama Njamala teskiima, Kuri, taaniiko  
tokooso oo, waawaa joodaade e nokku  
gooto.

Kala ko dilli o yalta, o fa'a mbedda.

So o joodiima e dental hee, o wonata ko  
e amde e yimde.

Omo diwdiwna, o haljina fof'en, yimbe  
ndonki hay yeewtude.

O yi'i kadi, kala jiddo nelde ko kanko  
nelata, omo yaha tan, omo arta.

Omo naata, omo yalta.



Dañdo sokla e leegal hee, ko kanko  
noddala, nela mo, rokka mo buudi didi.  
O inniraa cukalel neleteengel.  
Kuri dañii duubi jeetati, meedaa naatde  
lekkol.

Hitaande kala arnde, yumma makko wi'a :  
« Mi fadat haa mo wuuri mi naatna mo.  
Ko kanko wallata mi, etee so o naatii  
lekkol, mi dañataa mo nel-mi. »

Ko Kuri wadetee koo e no jikkorii nii muusi  
no feewi Maama Njamala.

O wi'i : « Hikka, alaa e sago mi naatna Kuri  
lekkol.


No o woniri nii alaa battane. »

Yummum Kuri jaabii mo : « Muk ! Kuri  
yahataa jooni lekkol, yaawii !

Ndeen mi dañataa mo nel-mi. »

Esum Njamala wi'i mo : « Njahanaa hoore  
maa. Kuri wonaa cukalel neleteengel !

Dum wonaa laawol, yettude cukalel  
ada nela tan, janngataa, wadataa hay  
huunde. »



Maama Njamala beydi heen wi'i : «Janđe  
ko fotde e kala suka.

Haa teenti e sukaabe waabe no Kuri nii.  
Ina nafa no feewi e nguurndam biy  
Aadama.

Maa o dañ heen ganndal, o waawa jeyeede  
e bamtaare leydi makko.

Maa o fin, so o mawnii o waawa nafde e  
nafde hoore mum.

So cukalel baangel no Kuri naatii lekkol,  
nehete, reenee.


Maa o janngine, ko famdi fof, maa o waaw  
winndude.

Maa o waaw kadi tarde e hiisaade.

So be ngonii lekkol, hay gooto yi'ataa  
be ebe ndarndarta e mbeddaaji.

Hay gooto liggintaa be, hay gooto wi'ataa  
be yo be njeloyo.

Dude dee maa addan be kala ko moyyi  
e mabbe, be mawnida heen.



So janđe leslesre ndee rewii laawol,  
ko heddii koo fof weebat e mum.

Maa o waaw yawtude e dudé hakkundeeje  
dee walla nii e dudé toowde dee.

Ko đuum wadi ina wi'ee ko fuddoode ndee  
buri wadde faayienda. Wonaa đuum tan.

Janđe ndee maa saabo cukalel ngel annda  
hoore mum, jogoo fulla e faayienda.

Maa o waaw tottirde miijooji makko tawa  
ina wonda e nehdi.

Janje ina wona sabaabu cukalel ngel  
anndude banndu mum, haa teenji e  
sukaabe rewbe bee.

So be badiima duubi sappo, balli mabbe  
ngonata ko e waylaade.

Diin waylowaylooji, so o yaawii anndude  
di, o aanataa, etee maa o bur anndude  
hoore makko.

Refti heen, cukalel ngel maa laab, jogoo  
nehdi, o waawa wurdude e yimbe.

O yahataa omo diwdiwna, omo ama, omo  
yima hono Kuri nii.

Maa o won joom hakkille, teeydo, teylido. »



Jande, maa saabo cukalel ngel annda  
yimbe no nguurdii.

Maa o anndu nguurndam kullon e lekde.

Maa ngel anndu kadi ko seerndi de.

Haala Maama Njamala kaa weli no feewi  
Kuri Njamala.

O wi'i : « Wadde mi yidii naatneede lekkol. »

Mido yidi anndude ko wadi bee yimbe  
ngoni baleebe, beya ngoni wodeebe.


Woon e men ina ñaama hudo, beya ina  
ñáama teewu.

Maama makko wi'i mo : « Nani! »

So neddo janngii, maa o anndu iwdi makko  
e to njeyaa.

Maa o anndu kadi njaatiraabe makko  
no nguurdunoo, ko be ngañnoo e ko be  
njidnoo.

E dow duum, maa o anndu holi kanko.



« Jaŋde maa won sabaabu nganndaa ko  
aamnotoo e ko aamnotaako.  
Maa dañ fulla, haa hay gooto wadnataa  
ma ko a yidaa.  
Maa a anndu maantorde e sardiiji leydi  
maa.  
Maa a waaw teddinde jarfol ngenndi e  
araaraay mum.

«So a mawnii ngonaa jiddo leydi maa e  
ngonaa biy leydi moyyo.  
Mo janngaani, anndaa hay huunde, weebat  
fuuntude. »

Rawaandu hedotono kañum ne, ina dillina  
hoore tan, ko haaletee koo weli ðum no  
feewi.

O beydi heen : « Woto njejitee, so cukalel  
janngii haa mawnii, maa wallu jinnaabe  
mum. »

So tawii ße e baasal, maa yaltin ße heen  
janngo.

Ullundu wi'i mo : « Billaahi on kaalii goonga ! »  
Mbabba ladde beydi heen wi'i : « Jañde ina  
beyda kadi faggudu leydi.

Ko ðum wadi, laamu nguu ina wada ko  
waawi haa yimbe fof njannga.



« Jooni, kala wuro ngo njah-daa, ko woddi  
koo fof, dude mahaama toon.

Duum maa wallu yimbe wuro ngoo  
naatnude sukaabe bee e lekkolaaji dii. »

Neene Njamala wi'i : « Kono jande ndee ina  
wadi cadeele.

Ina fotnoo burneede weebde !

Hay gooto fotoani yobde, so wonaa belaado. »

Maama Njamala wi'i mo : « So a naatnii  
biye e lekkol laamu, a yobataa hay huunde.  
Ko pot-daa wiide kay, jaŋde ndee ina foti  
moyyude.

Ina foti tiidneede haa so ɓe njahii kawgel,  
ɓe ngartira raay.

Sukaabe bee ina poti janngineede e  
demngal ngal ɓe muyni.

Ko nafoore neddo kala waawde winndude  
e tarde e demngal mum.

Ko duum wadata en haalde mijo men haa  
laaba.



« Ebe poti janngineede ko ɓe njidi, e ko  
leydi mabbe sokli.  
Be mbaawa nawrude leydi mabbe yeeso.  
Jannginoobe bee ina poti kadi tiidtineede.  
Jannde e fijirde njahdinee, haa teenji e  
entaabe bee.  
Hay so laamu nguu woddii heen, haa  
hannde cadeele ina keddii.  
Ko duum wadi ina foti yeeeweede hol ko  
saabii deen cadeele.


Yeewee so tawii ko e jannginoobe bee,  
walla ko e janngoobe bee.

Ina waawi wonde kadi e jinnaabe  
janngoobe bee, walla e ardiibe jaŋde ndee.  
Yi'aama kadi cadeele nani doo kadooje  
sukaabe bee janngude.

Eden mbaawi limde heen telewiison  
e karalle kese dee hono portaabal e  
ordinaateer. »

Maama Njamala wi'i : « Eeyeey, ko duum  
wadi laamu Senegaal liggodaade e onseeji  
e poroseeji.

Been ina nganndi nafoore jaŋde, ebe  
mbada heen kaalis e kabirde keewde.



« Dûde ðee beydaama haa keewi.  
Wuro ngo njah-daa e nder Senegaal,  
ko ngo wodði fof, lekkol mahaama doon.  
Be njidi ko fof'en njannga, sabu jañde ina  
adda ganndal e kattande.

«E yelu, so en njahrii bannge safaara,  
ko jañde addantu maa waawde safrude.  
Ko ðuum addantu maa jogaade mbaawka  
safrude yimþe e kullon e godðum e  
godðum.



«Be yettii kaalis keewdo, feewniraa defte,  
mbele jannde ndee ina beydoo tiidde.

Kala to be tolpii, be ngonata ko e  
ñastaade jannginoobe.

Ebe mballa kadi dudé dee fawaade e  
laawol.

«Hay gooto waasa jannginde ko welaa.  
Be njidi ko jannde ndee wona jannde nde  
aduna fof yidi.



« Laamu nguu ina foti wadde haa janđe  
ndee wona fotde yimbe fof.

« Jinnaado kala maa woppide e sago mum,  
yeewa ko yidi biyum jannga.  
Kono kala mo jabaani naatnude biyum  
lekkol, fawee kuugal.  
Cukalel tolningel e janđe, fotaani yi'eede  
ina dardarta e mbedda.

«E misaal, sukaabe bee fof ina poti wadaneede manndargaaji e comci mabbe. Manndargaaji diin doon maa kollir cukalel heen kala lekkol mo janngata.

«Kala cukalel ngel alaa oon manndarga, foti ko yetteede.

Be tottee gollotoobe e laamu, njogoo be.

Rewe haa anndee to be kodi, jinnaabe mabbe njeewtidee e nafoore jannde. »


Baaba Njamala wi'i : « Ndeen, maa be ngar yeeewde jinnaabe oo Kuri jahoowo tan.

Maa mi naatnu mo lekkol janngo. »

### NAAMNE DEE :

1. Hol wonnoobe e dental galle Njamala'en ?
2. Hol ko wadi yummum Kuri yidaa Kuri jannga ?
3. Hol ko wadi Kuri waawaa joodaade bannge gooto ?
4. Hol ko mijji-daa e winndannde ndee ?

# Dudal Kebtinaanaal



Leegal amen ina wadi dudal Buraana ngal nganndu-daa, almubbe janngoobe toon bee njelotaako.


Ustasuji worbe e rewbe njannginta toon.  
Ina wadi sukaabe rewbe e worbe  
janngoobe toon.

Deen dente didi njii'ondirtaa e dudal hee.  
Gootal heen kala ina wadi jannginoowo mum.  
Ko jannginoobe rewbe njannginta sukaabe  
rewbe bee.

Jannginoowo gorko janngina worbe bee.



Sukaabe rewbe bee, ko rewbe toppittoo be.  
Sukaabe worbe bee ne, ko worbe toppittoo be.  
Hadaani be wonde gootum, so be  
nji'ondirii, be calmondirtu, ebe njeewta.  
Banne heen kala, sukaabe bee ina njogii  
heen cuudi jaajdi e leece joodde.  
Dudal ngal ina wadi defirdu e nokku  
ñaamirde.  
So hiirii, be ngaynii hirtaade, be ñifat  
lampaaji, be leloo.



To banngal rewbe too e to worbe, won  
deenoowo sukaabe heednaa toon.  
Cukalel jidngel yahde taarorde kala wallete.  
So fajiri yonii, ko heen sukaabe bee  
pindintee, be culmoo, lootoo, njuula,  
njannga.

So be kacitiima, be nduttoo e janđe haa  
waktu bottaari, be ngottoo, be pooftoo.  
So tiisubaar yonii, be njuulat, be njokka  
janđe.

Dudal ngal ina wadi do sukaabe mbadata  
coftal balli, rewbe doo, worbe too.

So lewru maayii, jinnaabe sukaabe bee  
ngarat yobande sukaabe mumen.

Kala jobdo tottete derewol ceedotoongol  
oon yobii.

Leeldo heen yobande biyum, dudal ngal  
noddat dum, siftina dum.

So booyii cukalel ngel yobanaaka,  
halfinaabe njobdi dudal ngal ngarantu mo.



Sukaabe burbe tiidnaade e janje ndee,  
ndokkete mbelnaari lewru kala.

So be ndañii guurti haa dudé dee nguditii,  
sukaabe bee ngartat, njannga.

Ko e ndunngu dudal ngal dañata guurti  
tolniidi e lewru.

Ko e duubi tati dudal ngal jannginta,  
sukaabe bee diggina Buraana.

Refto ngoo, ko ñalawma mawdo wadantee,  
jinnaabe sukaabe bee ngara tawtoree.  
Be keblanto oon ñalawma, be tintina  
jinnaabe bee e jaagorgal kalfinaangal  
janjde.

So ñalawma oo yettiima, sukaabe ñaantoo  
haa njooda, ngara njoodoo e nder baas oo,  
pada.

Ina wadi gooto noddoowo, sukaabe bee  
ngarda gooto gooto e mikoroo hee, be tara.  
Kala jinnaado jiido biyum ina tara, jogoto  
heen weltaare.

Duum ina beyda daraja jinnaabe bee e  
ngaal leegal.

Sukaabe digginbe Buraana bee, so mawnii,  
ngontata ko jannginoobe to be kodi too.



Dudal ngal janngintu tan, yelnaani hay gooto.

Hay tampere wootere fawaaka e mabbe so wonaa yo be diggin darsu mabbe.

Sukaabe bee njanngat gila subaka haa hiira.

Be naatirta ko duubi nayi haa joyi e dudal hee.

Sukaabe welbe hakkille bee, ina mbaawi digginde 'Buraana e nder duubi didi tan.

So ñalawma gaddoygol sukaabe yontii,  
jinnaabe heewbe kawrata toon.

Cukalel jahngel galle mumen haa foti  
artude, jinnaabe mum ndokkat dum  
ko yettorii.

Jande ndee ina uddita hakkille sukaabe  
þee haa so þe naatii lekkol, þe teskee toon.  
Sukaabe rewþe e dude Buraana, hade  
mabþe naatde lekkol, þe yþoyat,  
þe njogoo hakkille.

Jande nde þe ngadii janngude wallata  
hakkillaaji dii reende kala ko þe njanngi.



So cukalel wadii duubi didi e dudal,  
haa tolpii naatde lekkol, o nawete lekkol.  
Omo waawi yettinde jannde makko Buraana  
so lekkol oo wonii e guurti.  
So cukalel ngel bennii hijjo, ina gasa nii be  
mbaawa huutoraade enternet.  
Yaawde naatde jannde, woni ko welnata  
hakkille oo haa ko aawaa heen fof fuđa  
janngo.

Kono noon, ganndal baawngal wonde kala  
ina foti refteede haa teenti e Buraana.

Deen duđe, nana beydoo seeda seeda e  
gure teeru dee.


Wadi dum ko teskaama e deen gure,  
sukaabe heewbe njeloto.

Hooreejo leydi ndii yaltinii taynannde  
wootere hadoore njelaari sukaabe.

Halfinaabe ndeenka yimbe nawtiino  
sukaabe yelotonoobe bee to jinnaabe  
mumen.

Haa hannde sukaabe nani e laabi gure  
teeru dee ina njeloo jamma e ñalawma.

Jooni nii ko sukaabe mawbe njogii potuuji  
ina njeloo.



Wa'i ko no jannginoobe bee bee ngalaa  
kaalis baawdo bee jogaade.  
So a yeeewii, ko duum saabii ebe mbi'ee yo  
bee njeloyo nguura mabbe.  
Ko e duum hilifaabe bee tuugnii, bee ndarni  
dude kese dee.  
Dude kese dee nana beydoo seese seese  
e gure teeru, doo e Senegaal.  
Dude deen fof njobnoto jande sukaabe bee.

Ina wadi e deen dudé kodnooje sukaabe,  
sahaa e sahaa kala bë njaha galle mabbe.  
Won yahooobe heen haa ngona e kolesaaji  
arab jannginooji Buraana.

Ndakaaru tan ina jogii heen dudé keewde.  
Mbele fof'en maa mbaaw yobande bïbïe  
mumen e deen dudé ?

Ko seeda heen tan mbaawi yobande  
sukaabe mumen e deen dudé.



Yidße sukaabe mumen njannga Buraana  
tee ngalaa kaalis, hol no mbadata ?  
So wonaa be nawa sukaabe mabbe  
e seerenbe be njobnotaako bee.  
E oon sifaa, been ina mbaawi wiide be yo  
be njeloyo ko be ñaami.  
Dude kese dee, ngaddii seeda safaara  
e njelaari ngonnoondi doo ndii.

Sukaabe bee mbadataa godđum so wonaa  
janngude.

Hakkille cukalel ngel wonata tan ko e  
janđde, kala ko o janngi, o yejjittaa.

E dudal hee, sukaabe kodata ko do laabi,  
ñamat, lootoo, boornoo ko laabi.


Cellal banndu mabbe reenete no feewi.

So koreeji mabbe njeewnii be, ngarat  
yeeewde be e dudal hee.

Kala nde sukaabe bee yeewoyi yimbe galle  
mumen, be mbeltoto, be cofta, ebe pija.

So sahaa gartugol yontii, be keppataa  
artude, ko cukalel wa'i noon.

Giyiraabe mabbe be be ngoowi fijdude  
bee caabii đum.



Won ko wadi noon duđe kese dee ina njobnoo kaalis keewdo e janngingol ngol :

- Dudal ngal yobante luwaas.
- annginoobe bee ne ko yobeteebe.
- Faktiir ndiyam, kuuraa e telefon yobete lebbi didi kala.
- Defooße ñaamde sukaabe bee ko yobeteebe kadi.

Mbadden heen kadi jogiibe laabal galle oo,  
ko be yobeteebe lewru kala.

Kala do sukaabe ndenndinaa, ina naamnii  
ndeenka.

Be lelni oo sardi : ko jinnaabe cukalel ngel  
tan mbaawi arande ngel e dudal hee.

Goddo mo dudal ngal anndaa arantaa be.  
Dudal ngal faandorii heen ko reende  
sukaabe bee haa saaysayeebe mbaasa  
nawde be.

E sahaa mo sukaabe bee ngarantee oo,  
ko ndeen jinnaabe heewbe njobanta bibble  
mumen.

Ebe poti mooftude no feewi d'erewol seede  
ngol be tottetee, kolliroowol be njobii.



So be njoofnii, maa be mbaaw udditde dudé godđe Buraana, ebe njanngina sukaabe wodđe.

So a yahii Ndar-geej, so sukaabe njippiima lekkol, ko dudal Buraana njahata.

Ebe njannga doon dumunna, kono ñande kala be ngottoytoo ko galle mabbe.

Jannginde cukalel, foti wondude ko e ndeenka.

Suka oo ina foti ñaamde no moyyi, cellal makko rewindee.

Fof'en kawrii ina wadi jooni dudé moyy'e  
e nder leydi hee.

Sukaabe janngoobe e gure teeru ina njeloo  
nana ngustoo.

Ko yimbe fof kawri wonde, wonaa fof'en  
mbaawi yobde e deen dudé.

Woodi ko seeda yimbe nawoobe toon  
sukaabe mumen.

Ina moyyatnoo deen dudé mballee  
e nguura sukaabe bee.

Ndeen, maa be mbaaw ustude seeda  
e ko be njobnotoo koo.



Ndeen kadi, maa sukaabe heewbe mbaaw  
naatde e deen dudé.

Kono so deen dudé njaajii e gure teeru,  
carotaako no feewi sabu ina woodi dudé  
godde.

Dude deen buri booyde, buri ñiibde,  
etee hay gooto yobantaa heen biyum.

Sukaabe bee nawete toon ina njannga,  
ina liggo e gese ceerno jannginoowo be oo.

Kala heen joofnudo, jokkat janngude  
e jannginde haa nde woppitaa.

Dude Buraana kese badaade e gure teeru dee, mbele maa de mbaaw saraade e leydi hee fof ?

Ko jogori leelnude d'um, ina jeyaa heen kaalis mo jinnaabe njogori yobande sukaabe mumen.

Kono e gure teeru dee, jinnaabe heewbe ngoowi ko yobande bibbe mumen jande. Ina yaakoraa deen dude buri wonde ko e gure teeru.

Maa deen dude cad darnude e dowri ndii, sabu yimbe bee ngoowaani yobde.

### NAAMNE DEE :

1. No foti duubi sukaabe bee naatirta jande Buraana ?
2. Hol jelnotoodo sukaabe bee e gure teeru dee ?
3. Hol ko saabii sukaabe tokosbe naweede ina njannga e dude ?
4. Tottiree miijo mon e dude kese udditaade jooni e gure teeru ?

# Abdul ko almuudo



Abdul ko almuudo.

Abdul dañi ko duubi nayi, ko o suka,  
ko jooni o ari e galle hee.

Omo ni darii e damal hee, omo yeeewa mi,  
omo wi'a almuudo nani yeloo.

Noddu-moo-mi, nanngu-mi e junngo hee,  
mbii-moo-mi : « No mbi'ete-daa. »

O yuri hoore ndee, o wi'i mi : « Ko Kariim  
mbi'etee-mi. »

Mbii-moo-mi : « Mate ko a kodo ?  
Jooni ko miin woni neene maa.  
Wadtu arande bottaari e hiraande. »  
O dimmbini hoore o wi'i mi : « Eey. »  
Yettu-mi pot makko, nokkan-moo-mi.  
O yettiti pot oo, o yahi.



E janngo mum, o arti, o darii e damal hee.

O wi'i : « almuudo na yeloo. »

Ngummii-mi, nokkan-moo-mi hiraande,  
o yahi.

Heen ñalawma, o boornii comci tunwudi,  
o darii, noddu-moo-mi yo naat e lootorde hee.

Lootir-moo-mi ndiyam e saabunnde,  
njiggu-mi banndu nduu haa laabi.

Njilani-moo-mi tuuba e simis.

O wi'i mi o yidi ko pade kese.

Pade de o boorni dee, ko limce, tee ko tayde.

Yeew-moo-mi gite de yumma yeevrata biddo.

So Abdul tunwii walla hoore ndee takkii leydi, mi fidha dum haa laaba.

Wadi ñalawma gooto mbii-moo-mi :

« Kariim hoto neene maa ? »

O wi'i mi : « Omo to wuro too. »



Naamni-moo-mi, a wayrii mo yiide ?  
O jaabii mi : « Booyii dee, kono omo ni e  
wuro hee. »

Mbii-moo-mi : « Mbele omo ara y'eeewde ma ? »

O wi'i mi : « Aahaa kay, kono o fadat ko  
juuti hade makko arde doo.

Neene am na heewi soklaaji. »

Wadi ñalawma gooto Abdul ina fadatnoo  
hiraande e jamma hee, nde hiraande  
deftaa, tawi o ðaaniima.

Ko o cuudiido, omo ðaanii, hay gooto  
yi'aani mo.

Nde o fini, o yetti pot makko omo hoota  
e jamma hee.

Mbii-moo-mi yo o waal, o salii, o hooti  
kanko tan.

Ndeen, tawi jamma oo jenngii.

O hulaani yahde kanko tan e nibbere hee,  
o yahdaani e hay gooto.



Omo jogii pot makko, omo heñoo  
e nibbere hee.

E weetndoogo hee, Abdul fini, bē kubbi  
ledde, bē catii dūm, ebe njannga, ebe  
coynoo ceerno.

Nde o gasni, o baari alluwal makko,  
o yetti pot makko.

O hacitii haa o gasni, o yalti dudal ngal.

Hannde ko ñalawma duggere, o yahat  
yiiloyaade golle.

Nde o yahi to jehre too, o roondii saakuuji  
sewo-sewo, omo fawa dumen e saret hee.

Debbo gooto totti mo tumbude mum,  
o roondii nde o darii.

Abdul nani rewi e debbo, omo sooda.

Heen sahaa, debbaajo oo daroo,  
ina yeewtida e sehil mum.

Tumbude ndee teddii, kono Abdul na muñi.

Debbo oo yahii soodoyde teewu,  
rañ oo juutii, yimbe bee na padi.



Abdul rewi e debbo oo, haa o yettii e wotiri  
puccu oo.

O fawii tumbude ndee e caggal wotiri oo.  
Debbo oo tottii mo kaalisal, o wadi  
e jiifa makko.

Soknaajo goddo arii, totti mo saak mum,  
yo o roondano dhum.

Kariim rewi caggal makko, ina yaha ko  
juuti.

Naange ngee na wuli, Abdul nana dōmđi,  
na warñi. Aminata woni sehil Abdul.

So Aminata yettiima, fadat mburu mum,  
totta feccere ndee Abdul ñaama.

Mammadu kañum e Abdul ko yahdiibe,  
be njahdat e sukaabe almudbe wodbe bee,  
be mbaðoya futbal.

Be ndiidirta kañuji mabbe dii ko potuaji  
mabbe njelaari dii.

Almuñbe bee cuboto galle mo wortaka,  
na cuudoo nder heen, na mbaða futbal.



So bohe benndii, be boggoytu bohe, dee be  
ñaama, keddiide dee be njeeya.

So maango benndii, be ñootat saakuuji  
tokoosi, ebe moofta heen maango.

So a yahii to dudal jañde too, Ceerno  
Umaar ko ko wadani almuññe bee gese  
maango to nder too.

Almuudo ummiido fof, bogga maango,  
wada e bata mum, ina ñaama heen, haa gasa.

So be muccii heen haa be kaarii, be bura  
softande janđe.

Abdul, so ina yeloo, be mbi'a mo : ndah  
Alla wadan maa almuudo.

Abdul weedā pot mum, be mbada heen  
suukara, kaalis, maaro hecco, sonndel e  
goro.

So suukara oo heewii, Abdul yeeyat dūm.

So o sakkaama gertogal, o yeeyat dūm,  
o nawana Ceerno oo kaalis.

So o tottaama kiloo mburu, be pecca dūm  
be ñaama, walla be moofta dūm,  
be njettinoya dūm dudal.



Wadii ñalawma, Abdul sakkaa njawdi ;  
o waawanaa düm hay dara.

Giyiraabe makko mballi mo, bë nawi ndi to  
dudal jañde too.

So a yahii dudal Ceerno Muhammadu  
Saamasa na wadi ujunnaaje almuudo, kono  
hay gooto yelotaako, düm ko yeru.

Ko bë dañanaabe cuudi, almubbe na  
boornoo comci kesi e pade moyy'e.

Giyiraabe makko bee noon ko janngooße.  
Ina wadi heen almudel tokosel,  
toppittoongel njawdi ndii.

Cukalel ngel na haalda e mayri, indi golla.  
Cukalel ngel ina famđi, njawdi ndii ko  
mawndi, kono kambe đido ebe nanondiri.  
Ko kanngel tottata ndi ñaamdu e yardu,  
subaka e kikiide.  
Ko cukalel ngel woni sehil njawdi ndii.  
Kala do njii-daa ngaari, cukalel ngel ina  
sara mum.



Waddii almuudo noon ko janngude haa  
diggina.


Abdul ina yeloo, kono omo jannga no  
moyʃi.

Ceerno oo ina yidi mo hono no biyum nii,  
ina mooma hoore makko tan.

Abdul e wondiibe mum almubbe, teenoyta  
ko to ladde too.

Nde wonnoo ko o pamaro, be tottata mo  
ko bahe tokoose, o roondoo.

Neene mum Abdul arii e leegal hee yeeewde  
dum, omo ni jala, omo weltii no feewi.  
Abdul addi mo e leegal hee, omo salmina.  
Sukaabe galle oo, Mammadu e Aminata,  
ngarii teddinde mo.  
Abdul ne ko ko weltii e yiide neene mum.  
Debbajo oo yetti yimbe moyyube  
toppitiiibe Abdul bee.  
Omo ñaama, omo yara, etee be daccaani  
mo o tunwi.



To dudal too, hay gooto fiyataa Abdul sabu  
omo nehii.

Abdul ko janngoowo, kono o yobnetaake.  
E dudal hee, almuubbe bee ndefante,  
na ñaama.

Ina wadi yimbe yahooobe to dude too,  
na tottira kaalisaaaji, walla mburu, walla  
suukara e gede godde.

E Taaski, ebe ngaddanee tebbuuli sadak.

Ceerno oo ina defana be ngaari, he Taaski doon e janngirde hee.

Maa be ñaam haa be kaara, be bogga maangoje, be lawy'a haa laaba, ebe mucca. So suudu nduu wulii, Abdul lelotoo ko boowal, e dow daatndi.

So o fawii heen daago ngoo, welat lelaade wa'a no leeso nii.

Abdul daanoto haa hara, sabu ko henndu nduu wifata mo.



So dudal ngal wonii e guurti, Abdul hootat  
galle mumen.

So o yettiima, o hollira comci di Ceerno  
oo totti mo dii.

Abdul yahda e neene mum, na calmina  
koreeji mumen.

O yahi njillu to Kaaw makko Makam  
e besngu mum.

Kala subaka, so o juulii haa o haljitii,  
Abdul wonata ko e janngude.

Abdul na yidi joofnude jannde mum.

So o mawnii, o mijii ko darnude dudal makko, omo janngina, walla o wona jeeyoowo mawdo.

Abdul ko duubi seeda heddanii dum,  
e dursude e dudal hee.

Ina wadi sukaabe ummiibe e dudal hee,  
njahi, njanngoyi peewnitgol otooji walla  
minisiyee.

Abdul na jogii fibnde, tee na goonjini ko  
wadata koo.

Omo jogii njoorto moyyo he janngo makko.

### NAAMNE DEE :

1. No duubi Abdul poti ?
2. Hol ko wadi Abdul hiiri hootde ?
3. So yummum Abdul ngonno-daa hol no  
mbadataa ?
4. Hol ko mijji-don e Abdul ?

# Cellal banndu cukalel



Jaarayel nani wondi e miñum Banel, ebe  
njanngoya lekkol.


Banel wi'i mo : « Hol ko layataa ? »

O wi'i mo : « Dum ko rafi kebnoonoo mi.

Duum woni ko wi'etee rafi mboofu.

So a hebii düm, a layat. »

Miñiraado oo ina yurii, haalaani hay dara.  
Jaarayel wi'i mo : « Hee, ko woni ?  
Miin dey, mi tinaani dūm hoore am.  
Hadaani mi janngude, hadaani mi fijde.  
Mbodo ñaama, mbodo yaha soklaaji am. »



Musee amen wi'i, ko sagginaare hokki mi  
oo rafi.

Banel wi'i : « Mbii-daa ko sagginaare !  
Miin dey ko jooni puđdii-mi nande oo rafi.  
Eey kanko nii, hol ko o nanndata ? »  
Jaarayel wi'i mo : « Wonaa hay dara so  
wonaa sagginaare jinnaabe bee.  
So be pesiino mi nde tolpii-mi e fesaade  
ndee, đum hebataa kam.

Ko d̄um wadi nde njibina-d̄aa ndee  
ndaranii-mi yo a fese.

So a wadii d̄um, maa a dad e ñawu jaddo.

Teko tampintaa ma, haa mbaasaa semmbe.  
Come nanngataa ma haa puyon mbodewon  
ina peeña e banndu maa.

Ñawu soodynaba libataa ma haa tuyyaa,  
hunuko maa ina adda ȳiiyam.



Calotoo-mi ko y'eeewraa mi gite ustaare.  
So ada yurmoo, yeccito sukaabe be  
ñaaamataa haa kaara bee.  
Baasal addani be yelaade, etee be potnoo  
ko janngude.  
Ko ummi-daa law koo fof maa taw be  
e boowal, ebe njogii potuuji mabbe.  
Ko kiir-daa, kiir-daa koo fof, ebe ni e laawol hee.

Hare am woni, wadde feere haa jinnaabe  
ngoppa sagginaare, te pesa bibbe mumen.  
So tawii ko goonga, rafi sagginaare nani  
heewti wuro ngoo.

Wi'aama ko ngaameela wallata d'um. »  
Banel wi'i mo : « Ko himmirde woni lekki mum.  
So en kimmirii jaŋde men, sagginaare  
egga doo. »



Hanki tan, jinnaabe bee noddaama,  
be mbi'aa yo be tiidno.

Musee ardi e Jaarayel, be tawtoraajodnde  
ndee.

Musee wi'i be : « Lopitaal oo, sukaabe nani  
keewti leece dee.

Hay dara saabaaki dum so wonaa  
sagginaare rewnde e men ndee.

Piddito-den hade ko hebi Jaarayel koo  
hebde sukaabe men.

Njid-dēn jooni ko habaade haa poolen  
rafiji gaannudi dīi. »  
Kambe fof be pibii ittude doo rafiji lorooji dīi.  
Musee wi'i be kadi :  
« Ndiyameeje tudooje, potuuji bondi e  
galleeji dīi, njibinta rafiji dīi.  
Ngitten di doon, labbinen fof, so suudu,  
galleeji, haa e wuro ngoo.  
Yimbe sarwiis laabal e senaare ina keblanii  
naatde e wuro hee, pompa heen puudaar. »



Bowdi nani yeewtere sukaabe bee.  
Edi ceki haa jeese majji na cuurka.  
Ebbo majji fof, ko sukaabe njogori dum  
bonnude.  
So ndeen yontii maa be tampu no feewi.  
Di noddi batu, idhi njidi fewjude peeje.

Ko bonngu adii to batu too.  
Engu fooyi, bibje maggu na borii.  
Doyru bonndu nduu arii.  
Ndu naat tan, ndu wadi lut e leydi.  
Mboroson ngodkon ndaabowon fof ngari.



Bonngu wi'i : « Jodnde alaa, payen e  
yeewtere ndee. »


Ñawu mboofu wi'i : « Suka mo perinoo-mi  
ummiima.

Omo ni lay'a kono o wa'i ko no  
deentinaado nii.

O linngondirii e yimbe wuro ngoo fof.

So en ndeenaaki hay gooto heddotaako doo. »  
Bonngu wi'i : « So ndeen yontii mi waawataa  
mooytanaade hay gooto. »

Gooto fof nani y'eewa godđo oon.  
Ñawu koleraa y'etti konngol wi'i :  
« Mbaden feere peren doo. Jooni, loode  
dee nani lawyee, boyli dii e beeli dii.  
Subaka e kikiide yimbe nani lawya juude  
mumen.  
So be njaltii e taarorde, be coodo juude  
mabbe.  
Ndiyam njareteedam, mi yi'ii ebe tobbita  
heen wordesawel. »



Reedu dogooru, reedu dogooru y'iiyam e  
jalbi reedu, ndimmbini koye.

Di mbi'i : « Ko doo taw-den ferde, wonaa  
ko hesdi.

So wonaa doo tan, wona bannge goddo,  
aduna oo na yaaji.

En mbertii saakit men, so en nanngaani,  
njiilo-den dati.

Minen dey min pellitii, jahđo min njahat,  
mo yahaani ne min njahat. »

Di tinaani tan, haa puudaar sarwiis laabal  
e senaare mabbii e mabbe.

Di carondiri, wadi e majji jandi, njabbaa  
likñitii.

Ina e majji padđiidii, keddii doon haa bada.  
Idi mbi'a : « Wooy, min maayii, ndadndee  
min. »

Godđi dii na mbi'a : « Woy heege men yoo to  
pa'-den. »



Jiknaabe Jaarayel mbeltiima e darnde  
biyum en oo.  
Neene makko soodani mo masin karalle  
kese dee.  
O rentini ko ko o dañnoo e njeeygu  
sewosewo koo.  
Ko dñum wadi Jaarayel seertataa e masin  
mum.  
Maa o janngu heen, omo fijora heen.

Neeniraado oo yidaa hay dara ko muusi  
biyum oo.

So o yeewi mo nii, o yurmoto mo.

Yurmeende ndeen doon na muusi biddo  
oo no feewi.

Jaarayel haalanii mo haa tampi kono  
o waawaa heen hay dara.

O wi'i mo : «Neene, hoto yeeewru am  
gite haa-goram.

Yeeewru am gite de yeewrataa miñiraagel  
am Banel. »



Kala ñalawma gardo, Jaarayel nana yurii  
e masinj mum ina boyya butoŋaa ji.

Hay so omo ñaama, o huufat masinj oo e  
sara makko, omo yeeewora ndaargo ngoo.  
So omo leloo, o naatnata mo ko e  
ngaflaawu makko.

Hay so omo yaha taarorde, o nawortu mo.  
Jeewte hakkunde makko e miñiiko na ustii  
no feewi.



Musee mabbe teskiima jooni Jaarayel  
wonata ko e ñaablude e kalaas hee.  
Dille makko e jande hee ustiiima no feewi.  
Musee noddi mo wi'i mo : « Hol ko joli ?  
Mate a ðaanotaako jamma ?  
Janngo ngardaa e neene maa. »



Musee wi'i : « Waasataa tawa won ko joli, fad mi yahana hoore am. »

Nde o yettii e galle hee, o sooynii Jaarayel na joñii.

Omo tiimi e masiñ, omo sukki kedirkon e noppo hee.

Musee salmini, holliti hoore mum, o bismaa.

O wi'i ße : « Ko hafeere Jaarayel addi mi doo. »

Be noddi Jaarayel, o ari, o salmini, o joodii.

Musee lubii mo masiñ oo, o yuurnii düm no moyy়ি, tottiti mo.

Neene oo wi'i ko kañum soodani mo ngam  
añde o yeewee tan.

Musee wi'i mo : « Weltinde biyum ko  
huunde moyyere, kono so burtii jibina ko  
wonaa duum.

So mi dañiino, tawa o huutortoo dum ko  
ñalawma alet.

Jooni o janngaani hay dara, ko masin oo  
bonni koo buri ko feewni koo.

Soodande biyum pijirirgel badirteengel  
junngo e deftere sukaabe, dum nafata

»

### NAAMNE DEE :

1. Hol ko hebi Jaarayel haa na laya ?
2. Hol peeje de yimbe wuro ngoo lelni  
ngam ittude rafiji jandinooji dumen  
doo ?
3. Hol ko saabii Musee oo fadaani  
yummum Jaarayel lekkol o yeewtida  
e mum ?
4. So a dañii portaabal, hol no  
kuutorto-daa dum tawa bonnataa  
ma jañde maa ?

# Hoto Njenngudi Bojel ?



Njenngudi, ko Bojel jahrowel e duubi dīdi, ngel waawaa tawo haalde, ko ngel tokosel. Yumma maggel ko kanngel tan dañi, etee hade yummiraado oo dañde joodiima ko juuti.

Njenngudel seerataa e makko hay sahaa gooto.

Ngel jibinaa, yumma maggel woppi golle,  
ina toppitoo ngel, muynini ngel e endi,  
e biboroj. Ngel yahataa hay nokku,  
so wonaa yumma maggel, ko gollotoodo  
e galle hee reenata ngel.

Neene Wojere, Alla e mum horsinde ngel,  
nawortu ngel e oto e pijirkon maggel.  
So engel yahndoo, o wadda ngel e kulle  
de be koddi dee, njahda e maggel geej.  
Njenngudi Bojel, ko ko mawninta  
maanditaare mum, yumma maggel rentini  
giyiraabe maggel.

Kon ngari, kon ngaddori njeenaaje, kon  
ñaaami haa kon kaari, kon njari haa kon  
domditi.

Neene Wojere, so ina yeewoytunoo sehil  
mum, Njenngudi doftatno dhum,  
be njoododoo, ebe njeewta.




Wadi ñalawma, Neene Wojere ari yeewde  
sehil mum Njawdi Mosku do yeewtidta e  
biyum doo.

Futuro yoni, o ummii, omo hoota, Njawdi  
Mosku duusi mo, be ngoni e laawol hee.

Neene Wojere fawi junngo e Njenngudi ina  
haalda e Njawdi Mosku, biddo sorti hoore,  
daasii.

O gasni, o yi'aani biyiiko, o naamndii,  
Njawdi Mosku wi'i mo anndaa do ngel yahi.  
Neene Wojere ruttii galle, kono yi'aani  
biyum. Asamaan oo nana fuddoo nibbidde.  
Do o yahi fof, been mbi'a nji'aani ngel.  
- Onon kam hoto ngel cukalel yahi ?  
- Hay gooto yi'aani ngel !  
Neene Wojere huli, naati e galleeji leegal  
hee.



O wi'a : On nji'aani binngel am ?  
Neene Wojere woni e woyde.  
Kulle ngummii na mballa mo yiilaade, de njalti  
saare, de naati e ladde hee.  
Yummum Njenngudi jaaki, hubbi oto naati  
e ladde, na yiiloo kañum e Sooyru.

O yeewi e poobe ledde, e toccode hee fof.  
Jooni jamma oo nibbidii, o yeeewii nokku oo  
fof, o yi'aani biyiiko.  
Neene Wojere hulii yi'aani biyum oo.  
Jamma oo woddi, etee hay gooto yi'aani  
ngel haa hannde.  
Hoto ngel cukalel woni ?



Neene mum Njenngudi nani woya,  
na haala :

- Hol ko hebi biy am oo ?

O ruttii haa galle, kono hay gooto yi'aani  
mo haa jooni.

O yalti, o hubbi kadi oto oo, o naati e ladde  
hee, omo yiiloo bañ-yoo-bañ.

Sooyru wi'i mo ndutto-den galle, ina waawi  
tawa ngel yiitaama.

Nde o rutti, be mbi'i mo Njenngudi artii.  
Neene Wojere jippii e oto mum, naati galle  
tawi Neene Nagge ina wammbi Njenngudi.  
Neeniraado oo weltii, hay dara hebaani  
biyum oo, hay dara ḡaaccaani mo.  
Engel wammbii, engel fawi hoore maggel  
caggal Neene Nagge, engel wi'i cel.  
Be mbi'i yo mi jippin ngel, calii-mi.  
Neene Wojere hefti Njenngudi, y'etti  
e juude mum.  
O y'ettii biyiiko, o huufi ngel, omo saasnoo  
ngel.



Hay dara hebaani ngel, ngel gaañaaki.  
O wi'i Nagge : « A jaaraama ko Alla tan  
yobata maa. »  
Neene Wojere huufi biyum na buucoo.  
Alla wadata tan ko ko moy'yi.  
O wi'i debbo gartirando mo biyiiko oo :  
« Haalan am do njiitu-daa mo ! »

O wi'i mo :

« Cukalel ngel taccit laawol laana njoorndi  
ngol kanngel tan, ngel ari haa galle am,  
do caggal laawol laana njoorndi ngol.

Njii-mi kanngel tan engel darii e hudo hee,  
e jamma hee.

Mbii-mi ngel : hol to ngummi-daa ?



Ngel jaabii mi : Neene !

- No mbi'ete-daa ? Ngel wi'i mi :

- Neene !

Nganndu-mi ngel waawaa haalde,  
yettu-mi ngel, mbammbu-mi. »

Neene Wojere nani yetta Alla, ina wi'a :  
« Cukalel anndaa hay dara.

Ngel waawaa yahde no moyyi, kono ngel  
wadii feere maggel haa ngel tacciti laawol  
laana njoorndi kannigel tan, e nibbere hee.  
So tawiino laana njoorndi kaa ina ara  
musiiba wadatno.

Ko Alla tan wadi heen sutura haa ngel  
hawraani e laana njoorndi kaa.  
Alla ko yurmeende mehre !»



Njenngudi waawaa yahde no feewi kono  
wadii feere haa tacciti laawol laana  
njoorndi.

Ngel tellii, ngel yanaani e kaay'e saka ngel  
gaañoo.

Kulle ladde fof ngari yeeewe Njenngudi e  
koccudo dum oo.

Neene Wojere ko ko weltii e nder bernde  
mum.

O anndaa ko o yobata debbo gartirdo  
biyiiko oo, Njenngudi.

Omo faaynoo hade o waasde yiitude biyiiko.  
Hay dara gaañaani ngel, hay dara  
ŋaaccaani ngel, ngel artii e jam.  
So tawiino laana njoorndi na ara, maa  
muusiba wadatno.

Nibbere jamma ndee, wondude e laabi  
ladde, e cadeele, d̄um jogornoo addande  
Njenngudi tampere.

Koyde maggel tiidaani, so o rewiino e junnitere  
hee, o jogornoo ko gaañaade, o marboo.  
Njenngudi ko ko jogornoo gaañaade  
gaañannde muusnde.




Laana njoorndi renndataa e laawol mum  
hay gooto.

Cukalel tokosel rewa e laawol laana  
njoorndi dum hoolnaaki.

So tawiino laana kaa na ara,  
dum jibintunoo ko musiiba.

So debbo oo yi'aano mo haa wammbi mo,  
Njenngudi jogorno yande e gaawol hee.  
Neene Wojere buri hulde fof ko so miijiima  
gaañande de biyum jogornoo dañde dee.

Neene Wojere wondii e ko muusi nder  
bernde mum, Alla falanii mo fof, omo yetta.  
O meedaa sagginaade e reende biyiko.  
O meedaa mo wodduude, omo reentoo kala  
ko waawata gaañ ngel.  
Cukalel na weebi ko gaañotoo, ko dum wadi  
reende dum na wadi nafoore.



Ngel foti ko falaneede kala ko foti ngel  
gaañde.

Yeewtaade d̄um sahaa fof ko huunde  
waddiinde.

E nder galle hee, huunde famarde na  
waawi ngel gaañde.

So engel lada naatnu ngel e huurgo,  
reento hade ngel gaañaade.

Eden poti joñde butel wordesawel, walla  
posone do woddi.


Kon mbaasa dum memde, so wonaa duum  
kon ngaañoto.

Mbaden peeje, njoñen pehe cuuraay dee,  
ko huunde wadnde faayienda sabu engel  
waawi sumde e yulbe jayne hee.

Dame defirdu dee yo uddete sabu defirde  
hoolnaaki e cukalel.

Engel waawi memde furna guldo walla ngel  
naatna junngo maggel e nebam nguldam.  
Cukalel anndaa hay dara, eden poti reende  
ngel e gaas hee.

Engel foti reeneede hade maggel wadde  
junngo maggel e kuuraa.



So a hodii e galle baddo etaas, a hanndoto  
jabbirgal ngal hade cukalel ngel junnitaade.  
Eden poti uddude pisin hade cukalel ngel  
yoolaade heen.

Piriis do kuuraa oo sejetee doo, ina foti  
sukkeede sabu sukaabe bee.

Kuuraa ko ko gaañata, ina wara.  
Cukalel naamnii ko reeneede, ñande kala.

Ko hebi Njenngudi koo, wontaa wadtu haa  
aduna gasa.


Jooni so omo yaha e laawol hee, Neene  
Wojere nanngat e junngo makko haa tiida.  
Cukalel ko muumanteewel Alla, yi'ataa ko  
arata.

Aksidaa na yaawi arde do daminaaka.  
Njenngudi Bojel, jooni kam ko yimbe fof  
mbadti e mum hakkille.

### **NAAMNE DEE :**

1. Hol ko hebi Njenngudi Bojel ?
2. Hol gartirdo mo e neene makko ?
3. So a dañii biddo, no mbadataa dum ?
4. So tawii ko aan, ko kulataa ?





Ce livret décodable gradué a été conçu et imprimé grâce à l'appui généreux du peuple américain à travers l'Agence des Etats-Unis pour le Développement International (USAID).



**USAID**  
DU PEUPLE AMERICAIN